

SCRIPTA

Numéro Scripta : 697

Auteur(s) : Robert de Mombrai [clerc]

Bénéficiaire(s) : Le Tréport, Saint-Michel (abbaye)

Genre d'acte : charte

Authenticité : non suspect

Datation : 1227

Action juridique : autre

Langue du texte : latin

Analyse

Abandon par Robert de Mombrai, clerc, de ses prétentions sur les deux tiers des dîmes de Bazoches, qu'il reconnaît appartenir aux moines du Tréport

Tableau de la tradition

Éditions principales

- a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° CXL, p. 158-159.

Texte établi d'après a

Fidelibus Christi presentes litteras inspecturis Robertus de Mombraio, clericus, salutem cum testimonio veritatis. Noverit universitas vestra quod, cum duas garbas decimarum parrochie de Basoches, quosdam homines, terras, prata et medietatem omnium minutarum decimarum ejusdem parrochie, videlicet lini et cannabi, agnorum et porcellorum, lane et fructuum gardinorum, et medietatem oblationum que fiunt in denariis, die Natalis Domini, die Pasche et die Assentionis Domini, in ecclesia de Basoches, que omnia de jure spectarent ecclesie et monachis Beati Michaelis de Ulteriori Portu, de prefata ecclesia et prefatis monachis ad firmam diutius tenuisse, ad petitionem ipsorum, de prudentium virorum consilio, omnia supradicta resignavi et dimisi omnino monachis supradictis, salva michi tertia garba decimarum et ceteris que ad dictam ecclesiam pertinere noscuntur, salvis etiam magistro Waltero de Maisnillo decimis de Platei, de qua due partes, post cessionem vel decessum ipsius, ad dictorum monachorum usus proprios revertentur et Radulpho, presbitero, vicario predicte ecclesie, sicut in cartis, quas inde ego et predictus magister habemus, de predictis plenius continetur. Monachi vero et abbas concesserunt michi XLa libras turonensium anni redditus reddendas terminis, qui sunt in litteris quas inde habeo sufficienter expressi. Quia vero prefatam resignationem et dimissionem bona fide volo inviolabiliter observari, renuntiatione renuntiavi omnibus impetratis sive impetrandis, per que possent prefati monachi super premissis in aliquo molestari. Qnod ut ratum firmumque permaneat, presentes litteras sigilli mei testimonio confirmavi. Actum anno Domini M°. CC°. XX°. VII°.